



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

8. Varij vel excommunicati, vel inobedientes, grauibus corporis malis  
affecti.

**urn:nbn:de:hbz:466:1-45701**

latrones lanceam in militem vibrantes, misericorditer se se interponens  
Episcopi equum confoderunt: sicq; miles equi presidio de eorum mani-  
bus ereptus est. Praesul verò spoliatis Clericis, varijs affectus injurijs,  
in proximam veniens ciuitatem, latrones illos per interuentos admo-  
nuit, ut à sua malitia abstinentes, veniam impetrarent: ni id facerent,  
se cum omnibus eius ciuitatis presbyteris in eos excommunicationis  
sententiam pronuntiaturum. Illis autem poenitentiam & correctio-  
nem respicientibus, eos excommunicauit. Quod cum illi cognouissent,  
& quemadmodum fieret excommunicatio, inquisissent, dixerunt: Ex-  
communicemus & nos Archiepiscopum. Et accipientes exta bonis  
furto ablati, loco stolarum, & accensis lignorum faculis, loco cande-  
larum, instar laporum ululabant, Clericos iridentes, anathema le-  
gentes & in derisum Ecclesia etiam in aqua ipsas faculas extinguentes.  
Ex his vnus postero die, licet quadruplici reclusus veste, frigore satis tem-  
perato, & tolerabili extinctus est. Terrio inde die, malitia eorum dux  
uidem peremptus est, atq; ita alij post alios, intra annum unum  
perierunt.

Atrocita quoque sunt, quae in vita S. Hugonis Episcopi  
Lincolniensis leguntur. Nam cum rebelles quosdam & contumaces  
satana tradidisset in interitum carnis, subito non comparuerunt. Miles  
quidam propter quoddam mendacium ab Episcopo sancto reprehensus,  
cum admonitionem eius parui penderet, nec se emendare vellet, mox  
ab illo excommunicatus est. Usurpabat namq; sibi bona quadam, quae,  
incitante eum uxore, quod prolem legitimam non haberet, à veris ha-  
redibus per simulationem alienare consenserat. Tremenda res. Inuasto  
eum diabolus, nocte sequenti extorquens subito animam mendacem.  
Alius quidam in eodem scelere ei succedens, cum latus & temulentus  
lecto exciperetur, sopori mortem socians, etiam miserè extinctus est.  
Forellarius quidam propter facinus plexus anathemate, viri DEI sen-  
tentiam non metuens, intra paucos dies horribili morte decessit è vita.  
Quidam diaconus, linore impellente, militem quemdam nequiter accu-  
sans de crimine regia proditiõis, Hugonis sententia ob spem emenda-  
tionis percussus, cum peccatum suum non modò non vellet agnoscere,  
sed etiam ab Archiepiscopo absolutionem impetraret, rediensq; ad vi-  
rum sanctum purgationis, ut putabat, sua choreographum secum af-  
ferret, rursus non obstante mandato, ab illo excommunicatus est. Et

VIII.

Sur. in vita  
eius. cap. 23.  
die 17. Nou.

Id b 2

anteno

244 Cap. XXIV. Iustitia merborum immittentis Dei in nouo Testamento. autem Dominus ostenderet, utrius sententiam approbasset, Diaconum horrendum in modum percussit, nec eum distius viuere passus est. Adolescentula quadam, cum impudenter spueret in faciem sponsi sui, presente sancto Episcopo, nec veniam petere vellet, a diabolo profocata exspirauit. Tantum facinus est, Præfides Ecclesiasticos contemnere, ut anathemate feriri, excommunicari, atque ab ipso demone torqueri mereantur contemptores.

IX.

I, Cor., 5, 1.

Nihil autem noui est, ut eiusmodi peccatores excommunicati satanae tradantur cruciandi. Siquidem & Apostolus, cum ad Corinthios scripsisset, *Omnino, non vago rumore, sed certa fama, auditur inter vos fornicatio, & talis fornicatio, qualis nec inter gentes, ita ut uxorem patris sui aliquis habeat sibi concubinam, & priuignus cum nouerca congregiatur, quod crimen Hippolytus in Phædra detestatus est; hæc, inquam, cum partim scripsisset, partim insinuasset Apostolus, subiunxit: Et vos inflati estis, dum, superbis vestris contentionibus occupati, non curatis, ut tanti incestus reus è coetu vestro expellatur. Ait enim: Et non magis luctum habuistis, ut tollatur de medio vestrum, qui hoc opus fecit. Ego quidem absens corpore, presens autem spiritu, iam iudicavi, ut presens, eum qui sic operatus est, in nomine Domini nostri IESU CHRISTI, congregatis vobis, & meo spiritu, eum virtute Domini nostri IESU CHRISTI tradere huiusmodi satanae in interitum carnis, ut spiritus saluus sit in die Domini nostri IESU CHRISTI. Itaque Paulus, tamquam Pastor & Episcopus vigilans Ecclesiae, iudicauit, seu statuit, in nomine, hoc est, auctoritate & vice Christi, ut in publica Corinthiorum congregatione fornicarius ille excommunicaretur, & traderetur satanae qui extra Ecclesiam regnat, ibique solet excommunicatos non solum in anima, verum etiam in corpore affligere. In anima quidem, quia excommunicati extra societatem Christi & Ecclesiae, ejectione orationibus, suffragijs, sacrificijs, Sacramentis, DEI protectione, cura Pastoralis priuantur, & ita tyrannidi atque incurfibus diaboli, cuius regnum est extra Ecclesiam, exponuntur, ut in eos magis, quam antè grassetur, eosque in omne malum impellat. In corpore autem, quia ita in interitum carnis traduntur, ut agritudine corporis, vulneribus, aut plagis eos maceret satanas, ut caro eorum atteratur, carnisque vigor intereat. Nam in primitiua*

Ita S. Augustinus, lib. 3. contr. epist. Parmen. c. 2. & S. Hieron. ep. 1. ad Heliodor.